

太極圖說論

太極圖說論卷之八

太極圖說辨性論四十一

或曰然則李延平謂世之所爲動靜真僞善惡皆對而言之非性之所謂動靜真僞善惡也惟求靜于未始有動之先而性之靜可見矣求真于未始有僞之先而性之真可見矣求善于未始有惡之先而性之善可見矣愚嘗思之亦可謂善言性者矣吾子未以爲然何耶余曰此非善言性者也延平以世之所爲動靜真僞善惡非性之動靜真僞善惡似爲得之其

言○求○靜○于○未○始○有○動○求○真○求○善○于○未○始○有○僞○有○惡○之○
先○是○不○知○性○之○爲○性○豈○可○謂○善○言○性○者○哉○人○生○有○是○
氣○質○必○有○是○動○靜○真○僞○善○惡○相○對○而○言○之○以○從○氣○質○
言○者○指○以○言○性○而○延○平○非○之○此○吾○所○謂○似○爲○得○之○者○
也○若○延○平○求○見○性○而○言○性○猶○兼○動○靜○真○僞○善○惡○而○言○
未○始○有○動○未○始○有○僞○有○惡○之○先○是○性○之○爲○性○止○可○從○
其○先○而○言○之○不○可○從○其○後○而○言○之○矣○豈○非○不○知○性○之○
爲○性○而○言○性○豈○善○言○性○者○哉○蓋○性○之○爲○性○無○所○爲○舍○
動○而○求○靜○并○無○所○爲○舍○僞○而○求○真○舍○惡○而○求○善○之○說○

也○性○之○爲○性○雖○若○可○以○靜○言○不○可○以○求○靜○而○不○言○動○
者○也○若○真○與○善○則○又○不○同○矣○真○則○止○可○以○真○言○不○可○
以○求○真○而○又○以○僞○言○善○則○止○可○以○善○言○不○可○以○求○善○
而○又○以○惡○言○者○也○吾○爲○子○先○取○所○爲○動○靜○而○言○之○聖○
人○之○見○性○而○言○性○也○亦○于○冥○冥○陰○陽○中○若○有○動○靜○而○
不○可○以○動○静○言○者○以○性○不○可○先○動○而○言○静○先○静○而○言○
動○者○也○以○言○乎○静○而○不○已○不○怠○在○其○中○以○言○乎○動○而○
無○思○無○爲○在○其○中○故○不○以○動○静○言○并○不○以○先○後○言○也○
其○言○動○静○無○論○先○動○而○静○先○静○而○動○皆○從○人○氣○求○之○

此

種

○

變

○

亦

○

止

○

于

○

五

○

經

○

四

○

子

○

求

○

不從人性求之○猶言其靜專其動直其靜翕其動闢○
止從乾坤求之○不從太極求之也○惟氣有動靜○性亦
與爲動靜○一如性之動靜焉耳○今延平從靜而求見
性○乃二氏清靜無爲○以求明心見性之說○不知吾聖
人不從乾坤○不言動靜之至理者也○然則記所云人
生而靜○天之性○感物而動○性之欲○非以性言動靜之
明驗耶○余曰○此正聖人從氣質言動靜○不從性言動
靜之明驗也○諸儒誤認樂記所云紛紛以靜言性○如
胡廣仲以靜形容天性之妙○紫陽答書辯難謂性乃

動靜兼該若止以靜說性是未感物前渾是天理言
靜則可其辯折是矣然猶未離乎性之分固屬乎靜
之說也抑知樂記所云非以性言性也以人言性也
其言人生明以人有生而後言之是從有氣有質已
生之人言之非若延平廣仲諸儒一本程氏求性于
人生而靜以上言性者也樂記所云乃于人有生以
後有靜時說性未嘗于人未生以前性自有靜時說
性也蓋惟人生而後有是氣質有靜時卽有動時性
在人生氣質中安得不以氣質之動靜亦與爲動靜

耶安得止。屬氣質言動靜。不屬諸性而言動靜者耶。
若從人生以前言性。是卽程氏所謂人生而靜以上。
不容說。所謂不容說者。有何不容說哉。亦以人生而
靜以上。止容說靜。不容說動而已。以人生而靜以後。
一落氣質中。不能無動。動則不能有真。而無偽。有善
而無惡。不可以靜言。卽不可以說性矣。故曰。纔說性。
便已不是性。此諸儒止知本程氏言性。不知卽本二
氏言性之大旨也。若記之所爲人生而靜。乃對感物
而動言也。其以人生言天性。乃槩天下賢智愚不肖。

有氣有質之人皆有是生皆有是性皆有是靜非若
諸儒言靜說玄說妙之言靜也以人生未爲物感吾
性若無所欲而靜焉者及爲物感而吾性若有所欲
而動焉其言性之欲者亦以吾性爲其所感而吾性
若有所欲欲之爲言卽情之爲言也非言私欲之欲
也言吾性爲所感而吾性之有知有覺一若有所欲
言焉一若有所欲爲焉而不能無動者乃性之欲也
夫旣以感矣動矣物已至吾前矣吾之性又已知之
覺之而欲有所言欲有所爲矣吾本吾知吾覺知其

本極圖說論

卷之八

四

桂山堂

可好而好之。知其可惡而惡之。節于內而不誘于外。

○可○作○人○生○而○靜○註○疏○即○二○載○亦○須○明○吾○

靜亦不失吾天性。動亦不失吾天性。斯爲賢知之人。

吾不本吾知吾覺知其可好而不好之。知其可惡而

不惡之。無節于內而誘于外。既失吾天性于動并失

吾天性于靜。斯爲愚不肖之人。是其言靜與程氏言

人生而靜以上。亦有何涉。紫陽折廣仲止折其說。玄

說妙雖取樂記言靜折其言靜。又徒以性之本靜屬

之。此諸儒立說紛紛而未有已也。然則人生而靜以

上其爲性也。靜既不可言靜。動亦不可言動。必兼動

靜以爲性也。靜既不可言靜。動亦不可言動。必兼動

靜而渾言之是先靜而動抑先動而靜耶抑不必以
先後言之物必以先後言之物耶余曰此聖人之所
不言吾烏得而言之然而乾坤之大其爲氣也有陰
有陽其言陰陽也必先陰而後陽其言乾坤之專且
直翕且闢亦先靜而後動而天之命行乎陰陽之中
○家○手○筆○亦與陰陽二氣之先後言先後而已猶人之性行乎
氣質之中亦與氣質之動靜言先後而已人必從天
人性命之後推之天人性命以前先靜後動而言之
亦何不可言然而聖人終不以動靜言并不以先後

○桂山作○文○創底一氣卷○舒○辨有融○會貫冠之妙大○

言也。子必從動靜先後求之。吾不得不從聖人所已
言求之。其言性也。亦止知言其動不言其靜而已矣。
從其先而求之。亦止知言動于先從其後而求之。亦
止知言動于後。終不先言靜而後言動。終不先言動
後言靜而已矣。如言維天之命於穆不已。如言至誠
無息不息則久。終不先靜言動之說也。如言戒慎不
睹恐懼不聞。如言造次于是顛沛于是終不後動言
靜之說也。蓋氣之有陰有陽。亦如一吸一呼。苟以氣
之呼吸而見其有動有靜也。遂謂天人性命亦如氣。

之以呼吸爲動靜○是天命之不已○必一已一不已○至誠之無息○必一息一不息○而後可以從靜言動也○是所睹所聞○可以有戒懼○不睹不聞○可以無戒懼○造次顛沛○可以必于是○非造次顛沛○可以不必于是○而後可以從動言靜也○然而聖人之言性也○止從其不已不息之動而可見者○言之後之人○猶有以先陰而後陽○先靜而後動之說○似以聖人從動言性爲未足○况諸儒不從聖人不已不息言性○一若不已不息之性○本有已○有息○求諸未始有動之先○娓娓然以靜言之○

何怪乎二氏之徒不徒以言動非聖人且以不主靜
非聖人而聖人之言性不可以爲訓于天下不俟二
氏之徒畔而去之乃吾聖人之徒已先畔而去之矣
嗟乎自有天地以來以迄于今不知幾何年矣而天
之爲天其運行不已如是是其氣爲之是徒以其氣
爲之耶亦其命之不已爲之耳人之爲人其生生不
已如是是其氣爲之是徒以其氣爲之耶亦其性之
無息者爲之耳而諸儒必以靜求性是必求天于無
天之先其命必有已而後有不已求人于無人之先

其性必有息而後有不息如是而言窮理不如不窮之爲愈也能不爲之三歎者耶然此又不止延平廣仲爲然也卽伊川言性本真而靜紫陽以未發解之皆未離乎求靜之說者也諸儒遂多以已發未發論性而不知其非者徒以二氏之言靜求諸聖人之言無一可強借以言之惟已發未發與彼言靜言動若有合焉遂不顧其有當與否輒取而附會其說如黃勉齋稱其先師論未發以前氣不用事所以有善無惡而不知所爲已發未發絕非中庸之言已發未發

也。中庸之言已發未發亦指人之氣言之。非指人之性言之也。中庸以天命爲性，率性爲道，是以道卽性，性卽道也。故下直接道不可離，卽性不可離，不睹亦戒不聞亦懼如是，其不離無所爲未發，卽無所爲未發而靜之說也。又言隱而若見，微而若顯如是，其不離無所爲未發，無所爲發，猶未發亦無所爲未發而靜之說也。此皆言性卽言道，言道卽言性，可以從天之命而言性，可以從人之性而言道，可以從人之道而言修，皆以性言性，不以氣言性之至理也。惟君子

于道其加修如此其全乎天之命又如此吾性之爲
性必有從而驗之自必從吾性之情而驗之所謂已
發未發非言性言情也是以性而驗其情卽以情而
驗其性也人之情不過喜怒哀樂而已小則一身一
家驗之大則國與天下驗之莫不本是情而見諸其
事本是事而見諸其理本是理而見其中與不中之
節惟修道之君子全乎性與道之功其情之爲喜怒哀
爲哀樂未接于事是其氣之有靜之時也斯爲未發
若常人之未發吾不知其爲中焉否也君子之未發

雖○未○發○而○吾○知○其○必○中○而○可○謂○之○中○且○可○謂○之○大○本○
以○天○下○萬○事○萬○理○無○不○根○吾○性○之○情○而○有○以○存○之○者○
也○其○情○之○爲○喜○怒○爲○哀○樂○既○接○乎○事○是○其○氣○之○有○動○
之○時○也○斯○爲○已○發○若○常○人○之○已○發○吾○不○知○其○爲○和○焉○
否○也○君○子○之○已○發○發○必○中○節○吾○知○其○必○和○而○可○謂○之○
和○且○可○謂○之○達○道○以○天○下○萬○事○萬○理○無○不○山○吾○性○之○
情○而○有○以○通○之○也○故○下○直○曰○此○皆○君○子○戒○懼○慎○獨○有○
以○致○之○而○然○也○諸○儒○何○所○見○而○必○以○未○發○爲○性○之○本○
體○且○以○未○發○爲○性○靜○之○本○體○言○之○夫○中○庸○之○言○未○發○

明以喜怒哀樂繫之○以其氣之未發言靜○卽其情之
未發言靜而已○雖情亦性中自具之情○言情卽言性○
然大聖賢人言性○自言性○言情○自言情○若以人生而
靜○不言氣而言性○此直言未感之性矣○未感之性○雖
可言喜怒哀樂○亦何必言喜怒哀樂○雖未可謂之不
中○而未可卽謂之中○如言人之率性○謂道○性卽是道
而已○吾不知其能戒慎○能不離○是道耶○不能戒慎○不
能不離○而非道耶○苟必以人生而靜○未發時○私欲未
形○純乎天理○不可不謂之中○天下愚夫愚婦○偶發而

中○節○者○亦○不○可○不○謂○之○中○矣○然○愚○夫○愚○婦○其○發○不○中○
節○者○多○矣○亦○可○謂○之○中○乎○卽○欲○以○人○生○而○靜○私○欲○未○
形○純○乎○天○理○言○舍○未○感○之○情○不○言○而○言○未○感○之○性○此○
時○雖○無○不○中○之○可○言○亦○未○有○中○之○可○言○無○喜○怒○哀○樂○
之○可○言○又○何○喜○怒○謂○中○哀○樂○謂○中○之○可○言○如○是○而○言○
○數○十○百○年○來○同○者○有○何○二○節○可○以○相○配
性○直○以○天○命○謂○性○言○其○純○粹○以○精○之○至○善○可○也○又○何○
庸○特○指○喜○怒○哀○樂○之○情○而○止○從○人○性○之○發○而○爲○情○者○
言○之○其○特○指○喜○怒○哀○樂○之○情○而○言○未○發○者○乃○專○就○喜○
怒○哀○樂○未○發○而○言○卽○專○就○喜○怒○哀○樂○未○发○之○一○時○而○

言之耳。故言未發卽言發言未發爲中。卽言已發中
節爲和。已發未發未嘗不可以動靜言。亦以一時之
動靜言。卽如以一息之動靜言也。若延平言性求靜
于未發之先。自必如嬰兒之良知良能從性中來。斯
爲從靜中來矣。自必如聖人之不思不勉從性中來。
斯爲從靜中來矣。然以是未發之靜歸嬰兒。嬰兒不
受也。嬰兒之良知良能從性中來。不從靜中來。苟從
靜中來。是良知良能止可于靜而未發見之不可于
動而已。發見之也。嬰兒之爲嬰兒。其良知良能可知。

嬰兒之不爲嬰兒此良知良能猶不可知也以是未
發之靜歸聖人聖人不受也聖人之不思不勉亦從
性中來不從靜中來苟從靜中來是不思不勉止可
于靜而未發見之不可于動而已發見之也聖人之
爲赤子此不思不勉可知聖人之不復爲赤子此不
思不免猶未可知也又安得如中庸言修道之君子
有不發不發自中有不發發則自和而爲天下之大
本達道如是也哉諸儒止爲真靜二字求真必求靜
求靜必求真本二氏之旨而求聖人之言以質之此

余之不能不爲曲折而辯之也豈得已哉

此篇將諸儒入二氏魔障而不能出者桂山單刀
匹馬從百匝重圍提而出之真轉旋乾坤大手歎
絕歎絕

太極圖說辨性論四十二

或曰延平求靜之說既得而聞命矣至求真之說吾子亦謂其非善言性可得而聞其說歟余曰此其說雖與求靜似殊而其不可以是而言見性則一也真之爲言猶吾儒誠之爲言也與二氏言真則同其旨不同耳夫性之爲性有真而無妄者也不可兼妄而言真者也誠者天之道也無妄元亨天之命也故性之爲性有何誠于先而不誠于後必從未始有妄之先求之性之爲性有何不妄于先而妄于後必于未

太極圖說

卷之八

桂山堂

始有妄之先見之若止于有誠無妄見性而于有妄

○此○眞○理○之○性○也○天○人○神○明○中○之○理○

無誠不見性性之不可以誦尊風之久矣止于有誠

而未始有妄之先見性而于有妄而無復有誠之後

不○見○性○性○之○不○可○專○以○誠○屬○之○更○不○可○以○無○妄○專○屬○

之久矣○今延平止于未始有妄之先○求性之誠○不言

誠而誠自見也又何必求而後見之哉惟于既已有

○何武與明姪是

妄之後性已不誠而不可見矣性不可見而性之可

見者自在斯可謂真能見性耳延平徒知所爲真者

性也。所爲妄者氣質也。求真于未始有妄之先。猶求

靜于未始有動之說也。故求靜于未動之先。有真無
妄。而性可見。求性于靜而有動之後。有妄無真。而性
不可見。苟如是而言性。自必終其身靜而真可有。有
一息之動而真不可有。終其身靜而真存。真存而性
存。一息之動而真亡。真亡而性亦亡。將必使其人爲
○三○氏○則○之○能○不○殷○栗○
有靜而無動之人。斯爲有真而無妄之人。斯其人必
爲有性而無氣質之人。而後可也。嗟乎人之生而有
氣。有質與性俱來者。也不可以先後言者也。惟知性
不受役于氣質。而氣質受役于性。止見性之真不見

氣○質○之○妄○乃○吾○儒○之○見○性○非○二○氏○之○見○性○也○不○知○氣○
質○不○受○役○于○性○性○反○受○役○于○氣○質○止○能○見○氣○質○之○妄○
自○不○能○見○性○之○真○乃○二○氏○之○見○性○非○吾○儒○之○見○性○也○
故○二○氏○必○于○靜○求○之○不○可○于○動○求○之○而○吾○儒○不○必○于○
靜○求○之○而○于○靜○見○之○不○必○于○動○求○之○而○于○動○見○之○二○
氏○可○于○真○求○之○不○可○以○其○真○入○妄○而○求○之○吾○儒○于○真○
求○之○可○以○其○真○入○妄○而○見○之○于○妄○求○之○亦○可○以○其○真○
去○妄○而○見○之○此○延○平○能○言○靜○言○真○于○先○不○能○言○動○言○
妄○于○後○與○二○氏○言○性○見○其○偏○而○不○能○見○其○全○相○去○何○

必有間哉亦不過本伊川言真而靜明道言人生而靜之說不足與聖人言誠言無妄一致而同歸者也二氏見真不見妄之說此所爲似是而非非見性之言乃賊性之言也性若止可靜而有其真此性直如嬰兒如混沌一無所用之物何以立法象而定三才成此生生不已之世界耶千百年愚天下之人而不知其非亦徒爲二氏不死無生以氣言性而塞盡天下人性靈之竅耳非桂山持巨靈斧此障何時鑿開快絕快絕

太極圖說辨性論四十三

然則延平善惡之說亦猶真妄之說耶余曰延平以
真妄相提而言猶以性之見于靜而存者言也若以
善惡相提而言直于性之見于動而發者言之矣彼
言世之善惡相對非性之善惡似乎猶知性爲無對
之善自當于善之無對求性又何善惡先後之可言
哉乃猶曰未始有惡是其所爲惡者乃先未有于性
中而後有于性中之惡矣猶程氏言未有惡之性止
可說天命之性不可說人受之性有惡之性止可說

人受之性不可說天命之性其義一也○嗚乎夫古今大聖賢人皆以明白正大人人皆得而見人人皆得而聞之理一一指以示人世之人習而不察止一性善之善字苟能知其爲無對之善自不肯與氣質之有善有惡者相提而並論矣○惟不知其爲無對之善自必以氣質有對之善與天命無對之善相提而並論矣○諸儒之求見性者既以天命無對之善言又復以氣質有對之善分先分後而以惡言之既以氣質有對之善言又復以天命無對之善分先分後又分

有分無以先有善後有惡言之既曰天命之性自在
氣質之外又曰天命之性卽在氣質之中既曰氣質
之性形而後有天命之性不存焉又曰善反之則天
命之性存焉譬諸失路之人立岐旁之地莫知所適
且前且却終不知于何歸宿而已矣北溪陳氏解性
字不謂之理而謂之性者理是汎言性字從生從心
專指人生具是理于心而言之者也北溪解字義惟
從聖賢所已言明之故其言從生從心生之爲言統
人而言之心之爲言從人之血肉而言之以有氣有

質之人有是血肉之心賦之以性而存主于其中正
從形後有說性者也蓋天既命人以性未有不從人
形而後有說性而反從人生而靜以上以說天命爲
說人性而說之者也嗟乎如此明白淺近之字義習
而不察言性言氣質無一了然自不得不爲二氏引
而去之其言則依附聖人之言其旨則根本二氏之
旨耳故其言耳目口體未嘗不以能運能動以氣質
歸之言心未嘗不以能知能覺以性歸之然亦止知
耳目口體之有異于心而不知心之不異于耳目口

體也。蓋耳目口體一血肉之物。心亦一血肉之物也。夫以一血肉塊然之心。二氏之徒求其見此性而有以見之。使此性之知覺與吾血肉塊然之心化爲一體。而曰吾心明而吾性見矣。至耳目口體亦血肉塊然之物也。二氏必斷之截之。必不使吾心吾性化爲一體。徒以其能賊害吾心性而仇疾之。豈非其所爲性之知覺止能化吾血肉之心爲性。而以善歸之。必不能化吾血肉之耳目口體爲性。而必以惡歸之。明驗耶。夫旣不能本聖人之見性言善惡。自必本二氏

之見性言善惡遂以氣質爲惡而未已也且以氣質
惡性亦隨之惡而未已也并以性隨氣質而善者固
爲性之善性隨氣質而惡者亦不可不謂性之惡然
以是言性而終若有所未安也自不得不歸諸無善
無不善而後已者此二氏之所爲明心見性吾不知
有何明何見之可說而必以爲含此更無可說不亦
天下大惑不解之人耶抑知古聖賢言性善亦言無
對之善而已不論其在天而未落氣質之先在人而
既落氣質之後無在非純粹以精而無對者也非若

諸儒指借天地之性徒以一善字不知其位置何處
○破○盡○諸○儒○皆○棄○之○見○而虛以名之徒爲求真求靜之地而已也書曰維皇

上帝降衷于下民若有恆性恆之爲言常也久也聖
人以其言常也推恆而言之曰庸推衷而言之曰中
以其言久也推之天而言不已推之人而言不息此
皆未嘗以善名而未嘗不可以有善無不善名未嘗
不可以純粹以精之至善名也故孔子始言繼之者
善孟子始本孔子而言性善而不知孔孟從古人言
恆而言中言庸言不已言無息乃統而名之曰善爲

其爲言之至理之至也。蓋善之爲善有舉其統而言
之有從其端而言之。孔孟之所爲性善亦從其統而
言之不從其端而言之者也。從其統而言之則仁義
禮智孝弟忠信雖百善萬善莫不皆備于吾性中有
何惡之可對而言哉。及其落氣質而有爲也。雖堯舜
生知安行與湯武之反之其爲仁爲義爲孝爲悌能
如堯舜盡此純粹于性中不能如堯舜盡此純粹于
性中尚未可知也。而况大賢以下之不遠復者乎。而
况中才以下之頻復頻厲者乎。由是以性之能率與

具至精至切錢出一个天心

不能率能盡與不能盡取善惡相對者而言之耳今
儒者以人生純粹以精天賦人于氣質中謂之性者
推而遠之以歸于天指爲不容說之性反以與性俱
來之氣質于人率是性時因而有善有惡者爲氣質
之性謂之纔說性便已不是性由其言而推之是天
地間止有二氏說靜之性必無大聖賢人兼動而說
靜之性止有二氏說真之性必無大聖賢人去妄而
說真之性止有二氏說無善無不善之性是性必無
大聖賢人說有善無不善之性是性矣此所爲不知

天而自爲知天徒以有善無惡歸諸天而曰天之命
不知人而自爲知人遂以有善有惡歸諸人而曰人
之性夫不知人性之爲性又安知天命之爲命不知
天之命有善而無惡之爲命又安知人之性有善而
無惡之爲性哉嗚呼吾爲性善一言與子反復辨論
舌敝筆禿而不能已子未嘗不喟然太息更端以請
而弗倦焉亦若以吾之所言惟子得而知之非人人
皆得而知之者也吾又安能不以人人皆得而知之
者言之夫天之在上而高明也如此地之在下而博

如此則論人之心即聖人之心天地之心也

厚也如此人類居其中而芸生也如此使非有一至善之物爲主于其間而三才無與立矣使有一至善之物又有一不善之物亦得爲主于其間而三才必無與立矣使有一至善之物與一不善之物皆得爲主于其間而三才無與立者又有一無善無不善之物爲主于其間使有善有不善之物皆退而聽命而三才始有與立則三才之不立不徒不立而已也且不俟終日而無之亦已久矣又何並立之可言哉蓋天地與人之爲三才也以止有一至善之物無古無

今並立而爲三假使有一至善之物又有一不善之物並列于其間則天地與人之並立而爲三者一有善有不善之天一有善有不善之地一有善有不善之人是天亦無所用其至善而主乎高明地亦無所用其至善而主乎博厚人亦無所用其至善而主乎芸生惟彼無善無不善之物可以舉天地與人之善不善而盡無之而天地冥若虛無人物歸于何有于是時而求一獨存于古今上下無窮無極之間惟彼氏一人而已矣豈非三才之不立不徒不立而已不

俟終日而已無之之說耶吾儒乃云恐人死執孟子
性善之說遂以氣質之性爲聖賢不發之秘以纔說
性便有氣質纔說氣質雖有性安得無善不善是諸
儒止能說孟子死執說性不說氣質爲非而不知諸
儒不以性說性止能死執氣質說性爲絕非此余每
讀其書未嘗不爲之三太息者也又安得不更取其
死執氣質說性者與子明之今夫天之高明而在上
地之博厚而在下人之芸生而居其中皆三才之所
爲氣質者是也天之四時有時而無序地之五行有

時而無紀人之萬類有時而失其常此諸儒皆得指
○二○反○二○正○二○反○二○又○二○反○曲○折○喻○人○尚○善○不○常
爲不善之物之爲之者也然而天之有時而無序者

終于有序地之有時而無紀者終于有紀人之有時
而失常者終于不失其常此豈不善之物既已反其
道又能復其道而主之者耶抑惟此至善之物既能
使其常者不反其道又能使其變者必反其常而主
之者耶此所爲不獨吾與子知之人人皆得而知之
也嗚呼自開闢以迄于今天地與人有是性命有是
氣質有是有善無不善有是有善有不善既已如斯

矣○吾○不○知○彼○二○氏○者○將○以○無○善○無○不○善○之○物○無○吾○至○
善○之○物○耶○夫○天○地○有○是○至○善○之○物○是○天○地○之○命○也○人○
有○是○至○善○之○物○是○人○之○性○也○無○三○才○至○善○之○物○是○無○
三○才○之○性○命○也○性○命○無○而○三○才○亦○無○矣○將○以○無○善○無○
不○善○之○物○無○吾○不○善○之○物○耶○夫○天○地○本○無○不○善○之○物○
而○亦○若○有○之○者○是○天○地○不○能○無○氣○質○也○人○本○無○不○善○
之○物○而○亦○若○有○之○者○是○人○之○不○能○無○氣○質○也○無○三○才○
不○善○之○物○是○無○三○才○之○氣○質○也○氣○質○無○而○三○才○亦○無○
矣○夫○天○地○與○人○並○立○而○三○自○開○闢○以○來○無○二○氏○無○善○

無不善之說而天地與人之爲三才未嘗不爲三才
其並立未嘗不並立如是其恆久而不已者以天地
與人各自有至善之物以無其不善之物氣也質也
可以變而化之者也命也性也可以率之由之而恆
久不已者也卽有彼氏無善無不善之物雖欲用之
又烏乎用之乃諸儒必死執氣質說性一若欲取彼
無善無不善之性而用之者然究不知何所用之乃
徒以有善無不善之性虛以與人以無善無不善之
性推以歸天嗚呼以是歸天而天肯受之否耶亦仍

歸彼氏受之而已矣

千古善惡二字從氣質說者諸儒必竟要從性說
千古善惡二字從性之入氣質說而不入氣質者
自在人而不在天諸儒必竟要從性之入氣質者說
性又必從不入氣質者另說性而性遂不在人而
在天矣桂山苦心筆筆血縷所濡

太極圖說辯性論四十四

或曰然則性之爲言止可從人生心而有者言之非
人生心而有者不可以言性矣乃或本天而言其原
以命爲性者有之或從人而言其流以氣質爲性者
有之皆非從人生心而有者言之耶余曰然自古大
聖賢人苟非以人之爲人有是心之爲心卽有是性
之爲性必不言之矣使言人而不必止言其有心言
人之有心不必止言其有性則大聖賢人亦必不直
指其心而名之以性矣苟不必直指其心而名之以

性則性之爲性何以必別乎天所賦之初不名之曰
命而名之曰性亦如張子天地之性之說何不可之
有哉又何必別乎人已受之後不名之曰道而名之
曰性如程子性卽理也之說何不可之有哉從古大
聖賢人惟知性旣本乎天而已屬乎人性旣受于人
而已屬乎心止從人之爲人言心言性如是其慎重
真切而言之耳書曰維皇上帝降衷于下民若有恆
性此可知性爲下民言性而言之也書曰天生蒸民
有物有則此可知性爲蒸民言性而言之也記曰人

生而靜天之性也此可知性爲人人有生言性而言之也性相近習相遠此可知性爲習善習惡之人相去遠近而言之也卽天命謂性繼善成性不過從人生以上而及人生以後言之耳若止從人生以上言之是言未受于人直謂之命不謂之人之性矣止從人生而後言之是言率于人直謂之道不謂之人之性矣必指人生而靜以上言性猶之舍性言命猶之舍人言天必以性卽理也言性猶之以天混人而言性卽以人混天而言命如此而言性又安知聖賢言

性之慎重真切而漫以率略無當自伸其說而已哉

且從人生而上言命者言性既以大與人相去一間

其破○前○之○論

而言性自必以人生而後言氣質者言性亦以氣質

與性相去一間而言性不知以命與性相去之一間○

猶可以一間言若以氣質與性俱來而以一間言性○

所去之一間直有毫釐千里之迥絕者矣○此其不得

不死執人性一落氣質○必不可以說性天下必有執

而問其維天降衷若有恆性者○安在乎○自不得不以

人生而靜以上所爲天命者指以示之而已矣○而人

之爲人必有是性求之于受性之先以命爲性而性
無所得焉求之于受生以後以氣質爲性而性又無
所得焉是從古聖人所爲根于性而爲心發于心而
爲性以成其有氣有質而爲人者求之天人相與之
際乃一無所歸着之物又何庸于聖百賢遞相祖述
如是其慎重真切而言之哉嗚呼天下之言性者必
舍大聖賢人言性而自謂善言性亦未嘗反復而深
思之耳或曰吾子言性可謂深切著明矣然則主心
爲性之說止可從人言之卽物亦不得而言之乎余

曰人之性固不可與物比而言之然人爲天所生之
人物亦天所生之物均有氣質均有是性雖聖人言
盡人性亦未嘗不言盡物性聖人以物之性其與人
絕殊者自在不必與物相提而並論也乃諸儒必相
提並論比擬牽引遂與從古聖人言人言物迥乎不
同推其故亦止不以氣質言氣質而必以氣質言性
之過也惟不以氣質言氣質而必以氣質說性故不
以性說性而以理說性謂氣質偏者理亦因而欠闕
苟如是物之氣質必不及人愚不肖之氣質必不及

賢知之人以故言氣質有偏全理亦因而欠闕猶之
言性有偏全理亦因而欠闕也由其說而推之不以
理說欠闕而以性說欠闕必有不可以說性者不得
不舍性而說理耳而不知大聖賢人說性從無以理
爲性者紫陽以爲自古無人敢道惟程氏發前人所
未發者此也夫從古大聖賢人未嘗不以人與物比
而論之然亦止言人之與物其氣質有欠闕不同之
處猶言聖人之與庸人其氣質有欠闕不同之處必
不言人之與物其氣質欠闕不同者卽其性亦欠闕

不同猶言聖人之與庸人其欠闕不同者卽其性亦
欠闕不同者何也以氣質之爲氣質其欠闕可得而
言之性之爲性其欠闕不可得而言也故其言人物
之性相去絕殊者亦就性之賦于人人已成其爲人
性之賦于物物已成其爲物而言之耳人得是性而
爲人雖爲聖爲賢而自成其爲人物得是性而爲物
雖爲麟爲鳳亦自成其爲物而已以人與物各得是
性卽各以所得于是性者發于其所得氣質中相去
自爾絕殊豈性之本有欠闕其絕殊如是哉然則人

與物之性同賦于天人得無殊之性爲人物得無殊
之性爲物人與物無殊而如是其絕殊者非性爲之
直氣質爲之耶余曰性之爲性止一性而已猶命之
爲命止一命而已雖有萬物不可以一物有欠有關
言之不惟人之性不可以有欠有關言之者也天下
至微之物莫如螻蟻其有君臣也非其性之有知有
覺爲之耶然螻蟻有君臣亦不過螻蟻之君臣而已
必如此說○方顯出一個性字不爲氣質二字所埋
人類之君臣乃參天贊化之君臣豈螻蟻可得而比
方之哉第其性之所發有是君臣之義于螻蟻氣質

中不可謂與人類所發之義以大小而區分之也性
固非可以大語之而不可以小語之者也燕雀之父
子其有父子也非其性之有知有覺爲之耶然燕雀
之有父子亦不過燕雀之父子而已人類之父子乃
明天察地之父子豈燕雀可得而比方之哉然其性
之所發有是父子之仁于燕雀氣質中不可謂與人
類所發之仁以大小而區分之也性固非可于大語
之而不可于小語之者也今儒者亦言螻蟻燕雀能
與人倫相近謂人與物各得是性矣何以又言螻蟻

燕雀只占得一點子遂將人類稟得一偏類而推之
謂慈愛之人少決斷決斷之人少慈愛不惟物得一
點之性多欠闕之理卽人得一偏之性亦多欠闕之
理明與人物各得是性自相矛盾而言性者何哉由
是言之人以螻蟻之有君臣徒以庶物知有君臣者
少○一若惟彼知有義而歸之耳○若止以其一點之明
卽以人之見義不見仁○見仁不見義亦然○是真以螻
蟻止知有君臣而已○謂其無生育之父子可乎○謂其
無配偶之夫婦可乎○謂其有小有大○而無長幼可乎○

謂其相呼相引而無朋友可乎。是性之所爲。有親有別。有序有信。皆爲所蔽而不發。乃鳥獸之屬。以有夫婦之別。長幼之序。朋友之信。各取一物而當之者矣。又莫不以此物之與此倫相近者。稱之以爲人與物。同稱性之一証。今必謂其止此一點之明。其他皆爲所蔽。豈螻蟻有君臣。而飛鳥之于鳳皇。走獸之于麒麟。鱗介之于蛟龍。獨非君臣乎哉。東觀漢記。鳳皇集潁川。羣鳥從之。蓋地數頃。留十七日。乃去。小鳥多至餓死。不敢離而守之。此亦見君臣之義之出于性者。

莫不有之。凡有血氣之物既皆有性亦皆有人倫之知覺在其中。卽巢居知風穴居知雨鳥鵲營巢向背歲時之類亦皆知覺所爲也。乃徒執所指之一端謂得乎此者闕乎彼得乎彼者闕乎此遂以人生稟得一偏爲說有惻隱無羞惡有羞惡無惻隱且不以爲善而以爲惡指之又善惡皆天理惡本非惡或過或不及皆可謂惡之說發明惡亦不可不謂之性之說不已過乎至其言草木也既言草木之性與人物有別矣及言枯槁之物均有此木然之性如大黃性實

附子性熱且言木燒爲灰灰陰爲土有灰土之氣卽有灰土之性紫陽以徐子融謂枯槁之物止有氣質之性無本然之性爲非以陳才卿枯槁之物各自有本然之性爲是夫以草木無知而謂有本然之性自不得不以一草一木各有一性各有一理理卽性性卽理天下無二理自無二性以混于言理者可混于說性也答余方叔書又以瓦礫比附子大黃亦各有性亦各有理推而及于竹椅舟車亦各有理以明天下無理外之物卽天下無性外之物也是天下之人

與物鳥獸與草木生有生氣死無生氣者不可謂之
無理卽不可謂之無性也人苟言枯稿無性卽是枯
稿無理矣苟言枯稿有理卽是枯稿有性矣從古聖
賢止言天命言人性由人性推而及物性終不以人
與物相提並論况以枯稿無知比擬牽引而說哉此
以理字易性字立說推其流禍雖滅性而無存亦于
是乎在矣

儒者說性必將大聖賢人言性舊案翻得淨盡卽
一氣質之性說到草木無知枯木死灰都是性又

恐說不去將理字換却性字說總緣惑于佛氏將性字擡入虛無去說說得無影無踪便是至玄至妙儘將大聖賢人性字推入氣質去而佛氏斷截氣質真真是見性之人異端曲學之流害至此桂山字字將性字本來面目刻畫精明如生人一般活現一个耳目口體與異端曲學畫人畫鬼了無把捉不同鑊盡心神一讀三歎

太極圖說辨性論四十五

然則吾子以螻蟻君臣燕雀父子推之人倫之理亦
莫不有以明人與物止此一性有此知覺而物之無
知覺者不與焉然則人與物同此知覺相去絕殊是
真氣質爲之而與性無與者可得而竟其說歟余曰
子徒執氣質之偏理亦因而欠闕以疑氣質者疑性
而未有已耳今夫天之有日月星辰天之氣質也地
之有山川五行地之氣質也人之有耳目口體人之
氣質也鳥獸鱗甲之有飛走游行萬物之氣質也各

有氣質各有性而始成其天地人物以充塞乎兩間
人與物雖各受于天而爲性惟人能體天道而並立
爲三才不必言矣至于物不問其大小莫不有一倫
之可見推之又若無一倫之不可見與人亦無殊焉
者性爲之也至飲食男女趨生避死其知覺與人無
殊者亦其性所發之情無小無大莫不從其物之所
○非○與○通○微○三○才○萬○物○由○明○人○是○至○理○者○不○能○道○二○
得而發之物之六小殊而性之大小無殊以物之大
○字○
小而見其大小而已故非獨人與天地稱三才卽物
與人亦得與人連類而稱萬物者亦可得而知其故

矣○故○天○之○爲○天○生○物○育○物○該○埏○內○外○莫○不○覆○之○而○人○
雖○聖○人○其○生○物○育○物○光○被○所○及○九○州○而○已○豈○人○之○受○
性○于○天○有○所○欠○闕○而○然○耶○未○有○不○知○人○之○氣○質○比○諸○
天○不○能○如○是○其○廣○大○者○非○其○性○有○欠○闕○而○若○是○也○使○
人○之○受○性○必○有○欠○闕○于○天○之○處○天○之○生○物○育○物○輔○之○
相○之○猶○恐○不○足○况○能○裁○之○成○之○綽○乎○有○餘○制○其○過○而○
補○其○不○及○以○左○右○斯○民○乎○人○之○爲○人○五○倫○四○德○智○愚○
賢○不○肖○莫○不○備○之○而○物○雖○麟○鳳○以○靈○稱○首○四○焉○而○已○
豈○物○之○受○性○于○天○有○所○欠○闕○而○然○耶○未○有○不○知○物○之○

氣質比諸人不能如是其備美者非物之性有欠闕
也使物之受性必有欠闕於人之處人之五倫四德
推而求之麟鳳之靈猶恐不足况推而求之蟲鳥之
蠢反若有餘知倫理而識趨避以自成其類乎嘗試
取而譬之屋漏之明昭昭之多耳可與天地之無窮
比量耶然而無窮者天之明昭昭者亦天之明以昭
昭之小與無窮之大分大小而言天可也以昭昭之
透徹此理否
天之明非即無窮之天之明分大小而言明可乎挹
注之水一勺之少耳可與大海之不測比量耶然而

不測者海之水。一勺者亦海之水。以一勺之少與大海不測之多。分多少而言。海可也。以一勺之海水。非卽不測之海水。分多少而言。水可乎。使必以物之氣質。其小如是。必不能如人。以小氣質者。小其性是性之大。莫載者。小亦能破矣。彼君臣之義。是何義。乃至螻蟻而有所不能。已父子之仁。是何仁。乃至燕雀而有所不能。忘螻蟻燕雀竭其力。致其身於其君親。亦螻蟻燕雀之大忠大孝耳。夫螻蟻之氣質。止能爲螻蟻之忠孝。其視人之不忠不孝。且有加焉。使必以其

有愧于人之忠孝而少之亦未通乎畛域之外而爲說者矣此足以見氣質之有大小美惡可以分人分物言之而性之無大小美惡不可以分人分物而言之自然之理也况乎人之爲人與聖人同類之人卽有昏明强弱之不同其性本無欠闕其理亦本無欠闕而必以氣質偏而理欠闕爲說可謂天下之善言性者哉若草木無知不可以性言止可以氣質言者以草木本乎地而生其氣與質卽地之氣與質也地得天之氣而有陰陽草木亦得地之陰陽又分陰陽

而有之地得天之氣而有五行草木亦得地之五行
又分五行而有之故地之有氣質而有草木猶人有
氣質而有爪髮也地本天之命爲命能通于有氣質
之人與禽獸而不能通于有氣質之草木猶人本天
之性爲性能通于氣質之耳目口體而不能通于氣
質之爪髮其義一也然而草木無知亦若有知以其
爲枝葉爲花萼爲果實一如有所安排品定而燦然
于四時皆地本陰陽五行之氣爲之一似有其性爲
之耳乃以其有是生意亦本生之謂性之說易性爲

理而言之。人可不慎于立說哉。

上篇言人與物絕殊在氣質而不在性。然初學尚不能通悟。必有此篇。雖販夫販婦皆能通曉。而况讀書明理人。吾讀性理書。凡四五遍。從無此種文字。人不從桂山遊。亦虛生人耳。

太極圖說論卷之九

太極圖說辯性論四十六

或曰然則孟子言性未嘗不以山之性水之性言何
哉余曰此正孟子所謂不善說詩必以文害辭辭害
志之說也人亦未免有不善讀書之謂耳孟子與告
子論性本以水喻性耳非言人物有知之性而及山
水無知之性也特借水以喻人耳水之無不下者水
之氣也水之決東而東流決西而西流者亦水之氣
隨所決而下之勢也告子以水之勢東西無分者喻

性之無分其意在水之勢與水之無分耳不在以水之勢說水之性水之無分說水之性也孟子亦以水

之氣下而不上如火之氣上而不下喻人性之有定

○處○射○精○到○于○月○萬○無○不○隨○手○應○曲○折○而○出○神○實○

其意在水之氣與水之下而不上不在以水之氣說

○神○筆○

水之性水之有定說水之性也水之本一定而下者

有時不一定而上而曰是豈水之性哉亦以水喻性

卽以喻性者說水之性耳不虞後之人害辭害意遂

以爲口實而言之也如必害辭害意如此孟子豈不

能易水之性爲水之氣易水之下而不上口是豈水

之氣哉然既與告子借水喻性又何必不借可使爲不善之人仍借水以言性哉此其言牛山之木以山之性言亦猶是也木之美本山之氣而生今美者不美而濯濯無材如此亦以文不害辭辭不害志不曰是豈山之氣而曰是豈山之性豈不知言山之氣更切于言山之性亦以人喻山以材喻性方借山木以說人性卽借性而說山木不徒以山木說山木從彼言氣爲切而以人性說山木從此言性爲尤切耳大聖賢人見性之至明而出詞之不苟也今世之人以

天地有氣有質本來生成之物借性以言者多矣其言物也如金之性剛木之性柔鳥董之性惡參苓之性善其言人也南人性弱北人性強此人天性急而少和柔此人天性緩而少強敏無論有知無知莫不指氣質之本來借天性而言之皆此類也若六聖賢人言性必不借氣以言性如言強則言南方北方言而強南方北方言風氣而強言性如言勇則北宮黝孟施舍言血氣曾子大勇言性不分氣與性而分氣與性自在其中世之人習而不察認氣質爲天性者

多指以爲口寔無論草木鳥獸有知無知無不假借而言之譬猶道爲天道德爲天德此道德所由名也至言事論物不得不指借而言之如言君子之道亦言小人之道言君子之德亦言小人之德雖性之爲性有時如道德虛位借而言之然從古聖人說性止說性論氣質止言氣質必不以氣質混性而言性性混氣質而言氣質者也知此而執一理字以草木鳥獸有知無知之氣質而言性又推及于人之氣質而言之其害性也必矣且理之爲言與道之爲言亦自

有分焉者也。道者指其理之統而言之。理者指其道之端而言之也。可以道該理而言之。不可以理該道而言之者也。猶之性可該理而言之。不可以理該性而言之也。故諸子百家以氣質有知之物言性者。亦庸有之。至以無知之物直以性言者。無之矣。惟道家圖說言五行之生也。各一其性。直以金性剛。木性柔言之。而不以金質剛。木質柔言之者。是也。惟佛氏言心言性。止知以金剛不壞言性。不知以天德之剛言性。以金剛能碎一切物與道家以五行言性略同。猶

以耳目口體言作用是性一也亦不足爲不知性而說性之一証耶

此篇專爲借性言性之說不明特爲一一指點是桂山訓詁四書文字其妙絕如此

太極圖說辨性論四十七

或曰蔡氏季通輩主張氣質以下愚不肖終難變化然自古及今善人少而不善人多人生氣質其勢極重紫陽亦謂氣雖理所生既生此氣氣能用事理亦管攝不來陳了翁以氣質之用狹道學之功大紫陽云何故天生止有幾聖賢人由是言之聖賢以生安困勉成功則一及人皆可爲堯舜亦大概以理言之不必人人能爲之者然其說可得而聞歟余曰自古大聖賢人言率性言盡性非爲人人足以爲主于氣

質中而率之盡之止爲一二賢人君子言是不知人心危而道心微○必使天下凡有是性之人○從以至於之理制至危之欲○究不能收成功則一之效大聖賢人亦何所見而必爲已○甚之說如此哉○今吾儒言性止見性之不能率○卽見性之不能盡○止見氣質之能主于性中○卽見性之不能爲主于氣質中○故不復以大聖賢人之說性者○說性也○雖然性之爲性○有知有覺而已○非不可以有爲然亦未可○卽謂有爲者也○夫子亦嘗有非道弘人之說矣○若氣質則有動有作○不

可聽彼有爲而可聽我有爲者也。以有動有作合有知有覺而成其爲人。如是以弘之。乃足以弘之。此夫子有人能弘道之說也。苟徒以氣質爲主。能與吾性並立不相下。不能使性之知覺爲主。勝其氣質而率之以成其爲弘道之人。雖百世而一聖。千里而一賢。亦必不可得之數也。此吾儒舍知覺不論。止見氣質之明者。可以與知而昏者。不可以與知。止見氣質之強者。可以與能而弱者。不可以與能。而性之不足爲主于氣質也明矣。止見氣質之明與強者。尚不足與

知與能而爲善見氣質之昏與弱者益不足與知與能、不惟不爲善且爲不善而性之不足爲主于氣質也、明矣、以至下愚不肖其爲不善也若止有氣質而無性者然教之不改而誅之性之不足爲主于氣質也尤明矣、于是求其說而不得不溯其始生之初、必有是羊食越椒之氣質不可謂其無是性也而不能變之化之又不得不究其末終之日、必有是桀紂盜跖之氣質不可謂其無是性也而終不能變之化之而性之不足爲主于氣質也明矣、此紫陽亦謂

纔說性卽有氣質在其中纔說氣質有駁有雜卽性
亦有欠有闕在其中而性與氣質如水之與火相攻
相尅于天地生成此一人之身而未有已嗚呼苟如
是而言性是止知性之不能有爲不足爲主于氣質
中聖人嘗以非道弘人言之矣而不知性之不能有
爲而自足以爲主于氣質中者聖人又未嘗不以人
能弘道者言之也此古之大聖賢人其爲人之氣質
慮之深而計之遠者亦已久矣以爲人之生也使有
是知而無是氣以運用之則知亦隱而無所見之

矣○有是知而無是質以動作之則知亦虛而無所
之物矣○故氣與質皆吾性之所必資以爲行之之
者也○性也○氣質也○與生俱生○不可以先後言者也○紫
陽必以有是理有是氣爲說○謂理既生氣○理亦管攝
不來○張程必以有是氣而有是理爲說○遂謂形而後
有氣質○善性亦隨之○善氣質惡性亦隨而惡○是徒知
說性說氣質○說先說後○與大聖賢人言性言氣質一
無當焉者也○夫既以氣從理生爲說○是卽氣之所生
生于性之說也○氣生于性○性爲氣本矣○天下有本性

之氣而氣之爲氣不一如性之爲性者乎氣卽不能
如性之明覺而明覺所生之氣非昏濁之氣可知矣
乃何以氣之清純者一如明覺之所生氣之昏濁者
一如非明覺之所生乃云性生氣後性亦管攝不來
是猶父既生子無論其肖與不肖未有子不聽命于
父者也今以天下人之性必不能管攝天下人之氣
猶天下人之子必不聽命于天下人之父以是而爲
氣質主張如此而天下之人尚有何性可主天下之
言性尚有何性之可說乎夫旣以形而後有爲說是

卽性之有有于氣質之說也。性有于氣。氣爲性配矣。天下有配性之氣。而性之爲性。有不率乎氣之爲氣者乎。性卽不有氣之駁雜。而氣則必有性之靈覺。其非一無靈覺也可知矣。迺何以性止能從氣之純粹者。與爲純粹。不能從氣之駁雜者。不與爲駁雜。且云形而後有君子弗性焉。是猶夫既有婦。無論其淑與不淑。未有不受制于夫者也。今以天下人之氣。必不受制于天下人之性。猶天下人之婦。必不受制于天下人之夫。亦不得不言君子弗性而已。而天下之人。

尚○有○何○性○可○主○天○下○之○言○性○尚○有○何○性○可○說○乎○所以
然者亦惟理生氣之言○非大聖賢人之言○乃老氏道
生天地之言也○以之說性○勢必如老氏說道○止有一
混成無爲之物○其他仁義禮知○皆非其道○所有亦不
過天下有氣有質之人○鑿是混成之物○爲之耳○其所
爲善者○亦鑿是性而爲之○况其所爲不善者○非鑿是
混成而爲之耶○紫陽亦不得不徒委之管攝不來而
已矣○形而後有之言○非大聖賢人之言○乃佛氏作用
是性之言也○以之說性○勢必如佛氏說性○止有湛然

宋然之心。其他耳目口體皆非其性所有。亦不過下
有氣有質之人。含湛宋之心而徇之耳。其所爲善
者。亦此作用是性爲之。况其所爲不善。非此作用是
性爲之耶。橫渠亦不得不徒委之君子弗性而已矣。
夫紫陽先氣而言性。非卑性而言之。可謂尊性而言
之矣。及一言氣而性之尊者。反爲所絀。而漫云管攝
不來。橫渠後氣質而言性。非貴性而言之。可謂賤性
而言之矣。故其言性。旣以此性在人而賤之。自有彼
性在天而貴之。而漫云君子弗性。皆由不取大聖賢

人言性言氣質自以其言性者言性言氣質者言氣質不自知其不入老卽入于佛而已矣又安得不取大聖賢人之言性者言之其言性也不過言其爲有知之物而已雖天之爲天亦惟言其知始不言其作成雖人之爲人亦惟以性之誠而明者言知不以教之明而誠言能所以然者以是性之良知必兼是氣之良能以求其爲成人○苟徒以是性之良知而不兼是氣之良能以求其爲成人○亦未有能成其爲人者也○人止知孟子言性有良知亦有良能而不知氣質雖

無良知亦有良能孩提之童非不知有他人而止知
有親是爲良知非不能愛他人而止能愛其親卽爲
良能此其性之良爲何如者哉卽其氣質之良爲何
如者哉由是而知聖人之以變化氣質爲先者卽于
孩提之良能而已變之化之而性之良知又何至不
可爲主于性也哉故聖人視氣質之于性也猶天之
必有地君之必有臣夫之必有婦也有天之知始而
無地之作成而天道不可成矣有君之首出而無臣
之輔相而君道不可成矣有夫之倡率而無婦之順

承而人道不可成矣。故性本乎天而爲良知。氣質資于性而爲良能。人苟能從性之率于天與氣質之率于性而求之。所知良所能良。本是知而知之本是能而行之。有何善非性之善。有何善非氣質之善乎。然而大聖賢人言性直以善言。性言氣質不直以善言。氣質以性本乎天之命。不雜于陰陽五行。氣質本天地之陰陽五行。不能如性之本于天命。純而不雜其理本如是也。然而聖人非不知有是雜而不純之氣質。一若不可以變之化之者。終不以其雜而不純而

太極圖說論

卷之九

士

桂山堂

棄之也如言民有三疾以其雜而不純也而以疾稱

之其疾之流而為肆為廉為直雜則雜矣去純猶未

遠乎○實○觀○諸○聖○變○波○退○千○層○使○人○舌○橋○而○不○下

遠也廼疾之可治也惟有是氣質而不變不化既不

能變而為善自必變而為不善為蕩為詐為忿戾豈

復如昔之可治而治之者哉聖人於此不徒以其疾

之有加于昔一如嘆有疾者嘆其有以其已變于今

反以嘆其有者嘆其亡是豈徒嘆氣質之亡而已哉

直嘆并其性而亡之矣蓋狂之為肆不過好為苟難

行不掩言而已變而為蕩則登木而歌裸體而飲無

不爲之矣。矜之爲廉。不過一介不取。有所不爲而已。變而爲忿戾。忤物疾人。犯難殺身。無所不至矣。愚之爲直。攘羊而証。責善則離而已。變而爲詐。則王莽之比。周公曹操之稱。西伯無所不用其極矣。聖人以爲昔之疾。乃天之生。是使疾也。辟如人有癰疽。決之潰之。則爲無疾人矣。今日無之。有是疾。一如無是疾。其爲蕩也。人不知其蕩。彼且自以爲肆。其爲詐爲忿戾也。人不知其詐與忿戾。彼且自以爲廉爲直。充其人之所爲。大慙元惡之所爲。無不能爲之。聖人于此必

不徒以罪氣質者罪之。雖欲不以罪首惡者罪之。不可得也。今吾儒徒以性之本善。不敢以罪氣質者罪性。亦徒以性本善。而又以爲不善罪之。是性又可以爲不善之性矣。不知性本不爲不善之物。而吾以不善爲之。辟如桀紂天所命之共主。以其能率天下以仁也。今不帥以仁。而帥以暴。直以殘賊一夫目之。而不爲過者也。彼世之徒罪氣質。而不敢罪性者。亦可憭然而悟矣。吾儒徒以氣質之不善。不敢以罪性者。敢于罪氣質。亦止以氣質不善。而不以爲不善罪之。

是○氣○質○之○本○可○爲○不○善○者○無○不○爲○之○矣○不○知○氣○質○本○
可○爲○不○善○之○物○亦○可○爲○善○之○物○譬○如○由○余○百○里○皆○虞○
戎○贊○命○之○所○資○也○彼○棄○其○才○而○吾○使○各○用○其○才○直○以○
伯○臣○良○佐○稱○之○而○不○爲○過○者○也○彼○世○之○敢○于○歸○罪○氣○
質○而○不○敢○歸○功○于○氣○質○者○亦○可○慨○然○而○悟○矣○

此專爲諸儒死執氣質不善性亦不善糾纏無已
桂山說盡性無不善不將氣質亦本非不善揭出
言之使其一無倚牆靠壁之處真神識真神識

太極圖說辯性論四十八

或曰吾子言人能弘道雖性之良知爲之亦必氣質之良能爲之似能之重于知也明矣聖人亦言知及不能仁守雖得必失是知之力必不及行之功而仁之守自勝于知之及宜氣質與性爲善則爲聖爲賢而有餘與性爲不善卽爲下愚不肖而亦有餘矣然則知與能之力果孰強而孰弱而性與氣質之權亦孰輕而孰重乎余曰吾從諸儒以聖人言人性爲肯遂止知性本乎天本無不善亦從而貴之以聖人止

言性貴不言氣質貴遂以人生昏愚柔弱必變之化之氣質爲不善亦從而賤之而不貴之始則因不可變化之人舉而歸諸氣質而疾之惡之推而極之又舉不可變化之氣質并歸諸性而疾之惡之而又增一可貴不可賤之性以歸于天此其說紛紜雜亂而未有已也余不得已而從人受于天者推論之不獨性爲天賦之良知卽氣質亦天賦之良能以爲能非知固不可以弘道而成人知非能亦不可以弘道而成人者此爲吾儒言性必執不變化之氣質足以陷

溺其性疾之已甚而云然也。然吾言氣質之可爲良能。豈徒指上哲之清明。不必變化者言之。不指中下人。重濁而難變難化者言之哉。古者民有三疾。求之聖人之門。亦多有之矣。柴之愚也。參之魯也。師之辟由之瘞也。聖人以中道變化之。其上爲聞道之人。其次亦皆行道之人。苟從其受氣之後。追論其受氣之先。其去聖人生知安行。大有間矣。然聖人何嘗以氣質之不善爲不可變化而疾之惡之哉。儒者推論及此。卽不必以爲陷溺其性之物。亦何不可而必以爲。

陷溺其性之物一若聖人之言性善亦可與爲善可
與爲不善之性非悉舉而歸其罪于羊食越椒其人
不可矣抑知柴而愚也愚也而不愚苟非柴而他人
也愚則猶是愚也不可變而爲詐乎參而魯也魯也
而不魯苟非參而他人也魯則猶是魯也不可變而
爲莽乎師而辟也辟也而不辟苟非師而他人也辟
則猶是辟也不可變而爲蕩乎由而彥也彥也而不
彥苟非由而他人也彥則猶是彥也不可變而爲亂
乎且不特此也商紂之氣質不可以聰明言太甲之

氣○質○不○可○以○昏○弱○言○所○分○者○不○在○氣○質○在○能○變○化○與○
不○能○變○化○而○已○矣○此○吾○以○天○生○氣○質○屬○良○能○而○言○者○
亦○從○其○能○與○爲○善○而○言○非○從○其○能○與○爲○不○善○而○言○也○
若○從○其○能○與○爲○不○善○而○言○是○從○其○不○與○性○爲○善○而○言○
也○豈○徒○指○其○氣○質○而○疾○之○惡○之○并○指○其○性○而○疾○之○惡○
之○矣○此○其○性○聖○人○豈○真○與○所○言○繼○善○率○性○有○二○性○哉○
亦○以○自○棄○其○性○自○蔑○其○性○一○如○不○得○復○有○其○性○者○耳○
豈○以○其○人○自○失○其○性○又○從○而○罪○其○性○之○本○不○善○哉○豈○
以○道○不○能○弘○人○者○又○因○人○之○不○能○弘○道○而○并○罪○道○之○

不能弘人哉。且人之有性。既已得之。而又失之。是性
亦可得可失。不可終以善言之矣。而聖人終必本天
而言善者。何哉。下愚不肖。惡極罪大。一旦能悔能改。
而自復其初。行道乞人。羞惡猶存。有時得生。失死。而
不易其志。苟性之爲性。非本有是善。既從其人。陷溺
時失之。何以又從其人。陷溺。後復之。亦可知矣。然則
孔子言人性爲貴。亦指其能知言之耳。吾子謂其兼
良能言之。亦有說歟。余曰。乾雖至尊。止言知始不兼
坤之作。成言之。是坤與乾亦兩大並立。優此而絀于

彼優彼而絀于此之物矣○何以言道止言天道言性
止言天性○其至尊無上如此哉○不知乾之至尊而無
上者○坤之能未有不資乾之知以爲主者○此人之所
得而知之也○而乾之知不必資坤之能以其知之自
有其能而主之者○其知其能皆乾之統而自有之○此
人之所不得而知也○使乾以其知資萬物之始○其資
之者○必待坤之能而始有以資之○是乾之知不過止
于知之而已○而不知乾知之有其能者○自在也○故曰
大哉乾乎○剛健中正○純粹精也○言乾之知○卽言乾之

能也。又曰：乾始能以美利利天下，不言所利大矣哉。
言乾之知，卽言乾之能也。雖若兼乾之氣言之，實本
乾之道而言之也。聖人言天之命如是，言人之性亦
如是者，也。聖人不思不勉，言知也而從容中道，其知
之能也。君子本天而有覺，言知也而率之卽道者，其
知之能也。學人本心而言誠言欺者，言知也。欺言毋
欺，獨言慎獨者，其知之能也。雖若兼人之氣質言之，
實本人之性而言之，亦猶是也。然則乾以其始之美
利利天下，而有其能似，亦可不言坤之能矣。而不知

有乾之知始又以其能始資之而後坤之資生一惟
順承而爲之是又坤以其自有之能合德于乾而成
載物之功也知此而性之良知不獨先氣質而有之
性之良能亦先氣質而有之矣人之一身更有何者
哉○人○之○性○哉○乃○儒○者○必○以○氣○質○善○性○亦○隨○之○而○善
氣○質○惡○性○亦○隨○之○而○惡○止○以○性○爲○無○爲○之○物○而○不○知
性○乃○有○爲○之○物○止○以○氣○質○爲○從○惡○如○崩○之○物○而○不○知
氣○質○亦○從○善○如○登○之○物○苟○性○與○氣○質○之○孰○重○而○孰○輕
猶○未○分○明○况○能○知○知○與○行○之○孰○強○而○孰○弱○以○盡○聖○人

弘道之功亦何可得哉

儒者論知能不能通徹究竟而論之皆由不能從
聖人言語內反復求之執一語一事論一語一事
此聖人有不啓不復予欲無言之歎也知有良能
本在聖人尋常言語中非桂山創爲此說一一從
聖人言語拈出示人桂山嘗自言吾著論三十餘
萬言何能于聖人所言增益一字至哉言乎

太極圖說辯性論四十九

然則聖人言知及之人雖得必失其于行之重也如是子言性之知有其能似以苟能知之行亦非難此象山有專主德性之說也紫陽以問學力行與象山辯難互有異同其說可得而聞歟余曰從事聖人之徒各就其才識所近而專主一說卽爲入道專主之說而不知皆諸子自主其說以爲入道之說雖由其說以入道未嘗不可以入道而非聖人必專主是說爲入道之說也中庸言誠者天之道也不思而得不

勉而中從容中道夫不思不勉而從容如是固從吾性本然之生知言之而得與中道人止知從氣質之安行言之而不知中庸以言誠言性亦止從生安之性言之不兼生安之氣質言之亦言性之有是良知必有是良能本如是也蓋誠之爲言真實無妄之謂也天之道也人以真實無妄爲道其得也得此真實無妄之理必待思而始得之耶其中也中此真實無妄之理必待勉而始得之耶其從容而自中于道也必待馴而習之久而化之由不從容而始從容以中

之耶此天之道所以顯諸仁藏諸用鼓萬物而不與
聖人同憂也中庸指天之命言之卽指人之性言之
指天之有知言之卽指人之有覺言之指天命自然
之良知本有是自然之良能言之卽指人性自然之
良知本有是自然之良能言之不兼天之氣而言之
不兼人之氣質而言之者也人止知中庸言誠未有
不兼生安之氣質言之而不知不兼生安之氣質言
之者以性可以誠言理也非氣也可以誠言者也氣
質不可以誠言氣也非理也不可以誠言者也苟以

性言誠而氣質亦與性俱言誠是天下人之性皆有其誠之性天下人之氣質亦皆有其誠之氣質亦何異氣卽性性卽氣之說又何庸分性于氣質而二之以明人之不能無聖狂賢否相去若是其甚也哉故以誠言誠則曰自誠明謂之性此雖以性之良知言卽以性之良能言非兼氣質而言良能以其由誠而明乃自然而誠自然而明謂之性也以誠之言誠則曰自明誠謂之教此雖以性之良知言亦未嘗不以性之良能言而未可卽以性之良能言者以其猶有

是必變必化之氣質必變化而始能不若生安之不
變化而自能故誠者能自成而誠之者必合人與已
而始成乃勉然而誠亦勉然而能謂之教也乃人止
知聖人之氣質有是生安之美能率其性而知之行
之如是不知聖人之性有其誠率其生安自然之知
而知之卽率其生安自然之能而行之特有是生安
之氣質與性俱率而知之行之耳非卽是生安之氣
質不必本性之自然能率而知之行之如是者也陸
如天之有命其運行不已之道本如是特以其有是

輕○清○之○氣○高○高○在○上○運○行○而○不○已○非○高○高○在○上○輕○清○
之○氣○不○必○有○是○運○行○不○已○之○道○而○運○行○不○已○也○嘗○試○
與○子○取○孟○子○養○氣○之○說○而○推○論○之○夫○志○氣○之○帥○也○故○
志○一○則○動○氣○也○志○者○心○之○所○發○性○之○所○生○也○志○爲○氣○
帥○以○性○率○氣○之○謂○也○志○一○動○氣○志○之○所○至○氣○亦○至○焉○
亦○以○性○率○氣○之○謂○也○若○夫○氣○不○過○體○之○充○焉○而○已○雖○
氣○一○動○志○亦○志○不○足○以○帥○之○而○然○耳○其○以○能○養○稱○者○
不○獨○孟○子○而○已○北○宮○黝○孟○施○舍○皆○與○孟○賁○同○類○之○人○
也○孟○子○所○養○至○大○至○剛○塞○于○天○地○如○是○而○與○舍○之○

徒不過刺萬乘敵三軍而已。其差別豈在乎氣哉。孟子配義與道以志帥之二子不能配義與道以氣養之以氣帥之而已。豈孟子天稟之氣獨異乎二子耶。此亦可知性之良能志一動氣之良能乃本然之良能氣質之良能氣一動志之良能未嘗不本性之良能以爲良能其相去有天壤之別者亦猶是耳。孟子以不得于心勿求于氣而可之者以心之不動不必定求于氣此卽余性有良能之說也。又曰持其志毋暴其氣能養其氣而心之不動益大益剛此卽余氣

有良能之說也。人惟以良能乃生安之氣有之不知
生安之性能有之。彼至聖至誠亦有是至美之氣質
而見其良能。亦至聖至誠以其性之良能率之。而氣
○字○字○精○義○入○神○
質與爲同功焉耳。苟非吾性之良能率之。人心一入
允執無由。卽至粹美之氣質。亦如頑冥之氣質。其能
未嘗不在也。又何良之足云哉。行道乞人有是至不
美而不可用之氣質。而不見其良能。亦行道乞人失
其性之良知。無以率之。而氣質與同過焉耳。苟以吾
性之良知率之。呼爾蹴爾。生死不屑。卽至不美之氣

質亦如高眎之氣質其能又未嘗不在也又何不良之足云哉知此而性之足以爲主于氣質者何如又豈獨氣質之無知以吾性之良知主之而已哉卽氣質之本有其能亦以吾性之良能爲主而爲之繼乎其有餘矣諸儒必死執昏明強弱以區別其氣質者區別其性豈得爲善言性者耶

講至誠者之良能不屬生安之氣質此真析毫縷塵之知量矣至性可以誠言氣質不可以誠言千古至理包藏聖人不言中而桂山發之至孟子獲

氣至精至粹之論非經桂山一闢發讀孟子真如
雲霧中見日那能見日之真體

太極圖說辨性論五十

然則象山尊德爲主亦必有見于此而紫陽力行是
尚亦似以變化氣質爲難皆有所主以入道後之學
者多左朱而右陸何耶余曰聖人教人必有次序亦
因乎其人○與因乎其時○故其先知而後行○先行而後
言○教及門以教天下各有所爲而爲之者也○伊尹曰
天之生此民也使先知覺後知使先覺覺後覺聖人
教人莫先于知豈有二耶然而三代以上之民風猶
淳其君子樸而直其小人愿而信上之人以言語文

辭教人少一以身先之上作下效風行草偃此觀于
鄉而知王道之易易如是也其能率者禮樂足以齊
之其不率者刑罰足以防之其時行不著習不察終
身不知其爲道皆可由不可知之民也故三代之聖
君賢相必以覺民爲先三代而後聖君賢相不能相
繼而作書詩禮樂雖極明備作師之道不復統于上
而移于下人自爲師家自有術鄉社國學蔚蔚彬彬
豈乏秀民上無身教之君下無身教之師能言而行
不逮之人不復得而愧厲之矣加以曲學異端言麗

行雜引而去之豈徒五禮六樂不足以閑之卽五刑
三千亦不足以制之矣孔子生其時立教誨人不過
言行二者而已卽其及門弟子誰非秀出人羣之輩
而言過其實亦多有之不患其不能知而患其不能
行此亦其時有不同而其人亦有不同如是也使孔
子徒以性與天道日與弟子諄諄然說之此亦何異
後世聚生徒立講堂不過發明性道著爲語錄豈必
無裨于人心無補于世教而爲之哉其于致知力行
希賢希聖無愧孔孟之教旨以造就人才亦已疎矣

此聖人于訥言敏行耳提面命至再至三而不能已也。然而聖人之教以力行豈徒若上之人教天下之凡民規規然從之。硜硜然守之。苟能行之不必其知之也。耶。雖日以行教之。未嘗不日以知教之也。雖日以所未知教之。未嘗不日以所未行教之也。非若後世講學聚徒止問其人之能知與不能知。不問其行之能行與不能行。徒以知可驟及。行必漸進。以藉其口爲寬假之地而已矣。故教以今日之所知。卽爲今日之所行。今日一事一理之所知。卽爲今日一事。

一理之所行今日之知亦三隅反之知也必非後日之所行如是而已者也吾惟以今日之行行其所知而已後日之行亦過此以往未之或知之行也必非今日之所知如是而已者也吾惟以今日之行行其所知而已雖有聞一知二之賜聞一知十之回亦就其能行所聞而許之不就其能知所聞而許之此終日與言卽許其足暨終身教恕不許其能及此皆聖人因其人與其時通變而爲之者如是耳至其主以教入力行者無論中人上下不問其氣質如何使盡

其自有之良能至真切而慎且重者莫大于求仁亦
莫先于求仁蓋仁之爲仁其見于事者莫不從存于
心而發之人有終日爲仁無一非仁之事退而自省
一○邦○論○語○卷○一○教○行○說○明○何○煩○更○從○聖○人○言○善○外
無一是仁之心故聖人教人無一人不教以求仁而
增○益○一○字
無一人許以能仁以仁之理存于心非由心而發者
不可謂之仁之理仁之力亦存于心非由心而致者
不可謂之仁之力心者統乎性之理而有之而主乎
衆理者莫大于仁故曰仁人心也又曰仁者人也合
而言之道也心者又統乎性之力而有之而率之自

有其能者莫先于仁故曰我欲仁斯仁至矣又曰有
能一日用其力于仁矣乎我未見力不足者夫聖門
弟子孰不求仁顏子而外無一許焉其難能如是乃
曰欲仁仁至力無不足又易若反掌者何哉以性之
此論性之在人有心心之有力以是心是力而求仁乃由已而求之
此論心之在人非由人而求之之可比也以是心是力而爲仁乃由
此論力之在人已而爲之非由人而爲之之可及也故曰仁者人也
猶言仁者已也人之爲人猶言已之爲已也爲人由
已而由人乎哉象山知良知不能本是良能而實致

太極圖說論

卷之九

毛

桂山堂

之不免行不逮言之過此世以宗門之言心性求明
求見而謂道在是者比之也紫陽知良能不能推其
良知而極至之不免能立而不能不惑之過此世以
西河之于聖人篤信謹守而謂道在是者比之也余
所爲從事聖門各主一說自以爲入道者也苟能知
吾性之自有其知能以其力推致之以求至乎其極
雖愚必明雖柔必強又何徒指生安自委于無能坐
使困勉之徒收成功則一之效者不復可見豈非諸
儒主張氣質太過者爲之耶

此皆孔孟大聖賢教人精微至蘊日在口中提醒
然人讀者習而不察桂山非聖門過來人安得有此
堯舜人皆可為之也
必謂氣質
所不

太極圖說辨性論五十一

然則夫子旣言生安困勉成功則一孟子亦言聖如堯舜人皆可爲紫陽乃以世之大聖賢人能有幾人必謂氣質使然何耶余曰孔孟之爲是言豈其以人所不能爲之事託之空言以勉人而已哉亦以天下知愚賢不肖之人有是可爲之理卽有是可爲之事前此作君之聖人能使民爲之而效後此作師之聖人能使人爲之而無不效而始有是言耳三代以上賢聖之君皆因其民未失其良知良能率而教之故

生○安○困○勉○可○爲○堯○舜○之○說○其○效○于○前○者○如○是○其○易○也○
三○代○以○下○孔○孟○之○師○不○問○其○良○知○良○能○失○與○未○失○而○
教○以○復○之○故○生○安○困○勉○可○爲○堯○舜○之○說○其○效○于○後○者○
亦○如○是○其○易○也○世○之○儒○者○求○其○民○未○失○之○良○心○欲○如○
三○代○以○上○率○之○而○不○能○率○者○既○無○以○得○之○求○其○人○已○
失○之○良○心○欲○如○三○代○以○下○復○之○而○不○能○復○者○又○無○以○
得○之○徒○執○生○斯○世○爲○斯○世○之○人○不○獨○愚○不○肖○之○性○不○
能○率○之○復○之○而○教○之○卽○賢○知○之○性○亦○若○不○能○率○之○復○
之○而○教○之○者○以○爲○天○之○生○是○氣○質○使○然○吾○如○彼○何○哉○

是○徒○就○一○已○所○值○之○時○與○其○人○就○一○已○所○能○教○以○教○
人○者○論○之○說○之○未○嘗○追○論○三○代○以○上○之○君○師○因○人○性○
自○有○之○良○知○良○能○所○以○率○之○復○之○者○深○思○之○耳○夫○既○
不○能○深○思○而○得○之○而○不○以○其○自○爲○論○說○者○論○之○說○之○
見○而○伸○之○

雖○無○三○代○以○上○之○聖○人○能○及○其○民○未○失○之○性○率○之○而○
教○之○猶○望○天○下○後○世○在○上○者○苟○有○堯○舜○禹○湯○文○武○其○
人○一○旦○能○立○其○教○而○率○之○安○知○唐○虞○三○代○之○治○化○不○
復○見○于○今○日○哉○卽○終○無○其○人○其○治○化○終○不○可○復○見○而○
其○因○民○未○失○是○性○率○而○教○之○之○道○自○在○如○日○星○之○炳○

煇于天地間其道猶未亡也雖無三代以下之聖人
能取其未失之性而率之已失之性而復之猶望天
下後世在下者苟有孔孟其人一旦能立其教而率
者率之復者復之安知鄒魯之教化不復見于今日
哉卽終無其人其教化終不可見而因其人性之未
失已失教以率而復之之道自在亦如日星炳煇于
天地間其人亡其道未亡也今世之儒者旣不本古
作君作師其所以因時而善用其人性之理又不知
已之聚徒講學不能因其時與其人以復其性而變

化其弟子徒執一氣質之說以限天下有是良知良能之人以沒天下有是良知良能之性三代作君之道徒使晦塞而不明三代作師之道亦疑迂疎而無實祇謂數千百年以來大聖大賢非人所及下愚不肖天實爲之其于論世論人既已疎忽如此而盡性至命見性明心自謂探索有加亦執理而未能窮理之過也子以生安困勉成功則一是謂困勉之庸人其成功也一如生安之聖人耶聖如堯舜人人可爲是謂百千萬億之庸人其能爲也無非百千萬億之

堯舜耶。如是則吾儒以氣質之論論庸人謂天下能
有幾聖幾賢。而不然其說者。卽以大聖賢人性善之
論論庸人。謂天下無非盡性。皆可爲聖人爲賢人。其
說豈盡爲然哉。不知大聖賢人有是言。必有是理。有
是理必有是事。通古今統人羣。無時不然。無人不然。
而後始有是言。以垂訓于天下者也。蓋聖人之與庸
人氣質不同。而同者性也。聖人豈不自知氣質之清
明。強固其迥絕于庸人者。寧可以數計哉。乃其自視
一無異于庸人。而曰若聖與仁。則吾豈敢。我非生而

知之者○聖人豈徒虛以下人○不自滿假如是哉○不知
聖人知庸人之有性一如吾之有性此不加增彼不
加損徒以人之爲人惟性之爲貴始成其爲人○非氣
質之爲貴而始成其爲人也○吾安得獨有其氣質而
遂成其爲人哉○辟如唐虞三代之聖人身居天子之
尊○自視直如匹夫○舜以有虞之帝未嘗自忘其深山
之野人○禹以夏后氏之王未嘗自忘其虬族之罪人
以吾爲天子與野人罪人不同而吾爲聖人則不以
天子而爲聖人○野人而不爲聖人則同也○故聖

人之不以天子有加于人一如不以氣質有加于人
類如是也古作君作師之聖人其教賢知之人以率
其性與教愚不肖之人以復其性如射之有鵠無知
愚賢不肖之人莫不教以引弓貫矢而射之其能中
者固中道之人其或過或不及而不能中亦皆引弓
貫矢望鵠而思中之人也聖人能引而發之不能引
而中之豈堯舜禹湯文武孔孟大聖賢人其教人也
○過○僞○之○言○無○往○不○合○必能使之無一不爲大聖賢人始爲修道謂教也乎
哉虞廷之五臣吾不得而差次之矣九官十二牧八

元八愷之儔能與五臣無差次允執厥中而無愧者
耶孔門如顏曾弟子吾不得而差次之矣四科之人
七十子之徒能與顏曾一無差次傳一貫而無愧者
耶且唐虞擊壤之民鼓腹之老歌不識不知帝力何
有者非終身由道之民耶其在聖門宰我之不仁子
禽之不知樊遲之呼小人冉求之力不足豈皆不列
于宮牆之內者耶從古作君作師之人能取人人自
有之知而引之卽能取人人自有之力而引之矣能
取人人日用常行之道而引之卽能取人人事天立

命○之○性○而○引○之○矣○辟○如○同○爲○行○百○里○之○人○或○至○焉○或○不○至○焉○其○爲○百○里○七○八○十○里○五○六○十○里○不○同○而○其○皆○由○是○道○而○求○至○之○人○則○一○也○顏○冉○之○早○夭○不○得○爲○聖○人○其○爲○聖○人○則○已○有○餘○矣○樂○正○子○之○爲○善○人○信○人○未○得○爲○美○大○聖○神○之○人○而○能○爲○美○大○聖○神○其○始○基○則○已○正○矣○然○則○孔○子○以○生○安○困○勉○成○功○則○一○雖○魯○哀○之○愚○柔○而○能○明○能○強○舉○文○武○之○政○亦○無○愧○乎○文○武○之○人○孟○子○以○聖○如○堯○舜○人○皆○可○爲○雖○曹○交○之○服○其○服○言○其○言○而○能○孝○能○弟○行○堯○舜○之○道○亦○何○愧○乎○堯○舜○之○人○乃○儒○

者言帝王必以堯舜為主言聖賢必以孔孟爲歸不問其能及不能及與有及有不及必引繩切墨而論之徒謂生民以來有幾堯舜幾孔孟其人哉孔子教人成功則一而不及孔子教人者必曰成功必不一孟子教人可爲堯舜而不及孟子教人者必曰堯舜必不能爲徒執一天生智愚賢不肖自然一定之人謂其受生以來本是如此吾如彼何以維天賦是性于先使率是性而爲之者直置不問且以聖人立是教于後使修是道而爲之者亦直置不問自古大聖

人有性又有教有教又有性由吾儒言之必使無性亦無教無教亦無性而後已既不能令人自成其已又不能以我兼成其人又何取氣質之說之陷溺人心○流禍一至于此也耶○

桂山論性三十篇十餘萬言皆爲氣質言性痛哭流涕而論之止因將釋氏無心無性擡入空虛寂滅中說得無聲無臭妙不可言遂以知覺運動混入氣質亦如彼言作用是性墜其塵霧中迷而不悟爲補聖賢說性所未備訛而又訛繆而又繆每讀一篇輟手錄之雖十日讀猶不能已也